



Kultureqarnermut, Ilinniartitaanermut, Ilisimatusarnermut, Ilageeqarnermullu
Ataatsimiititaliaq

Arpattarfiit aammalu atletik atorlugu sungiusartarfiit allat nuna tamakkerlugu sananeqarsinnaaneriniq periarfissanik misissuinissamik aningaasartai pillugit Kultureqarnermut, Ilinniartitaanermut, Ilisimatusarnermut, Ilageeqarnermullu Ataatsimiititaliap apeqquataanut akissutit

03-11-2023
Sagsnr. 2023 - 22039
Akt nr. 23582286

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

1. Siunnersuuteqartup 500.000 kr.-inik taggiinera pinnagu aningaasatigut sinaakkusiussassat 1 mio. kr.-it missaannut soq Naalakkersuisunit amerlineqarsimanersut nassuiaatigeqqullugu Naalakkersuisoq qinnuigineqarpoq.

Akissut: Qujanaq una apeqqu apuukkassiuk. Tamanna peqqutigalugu Naalakkersuisut naatsorsuinermit tunngaviusut misissoqqissaarpaat, misissueqqissaanerullu ersersippaa naatsorsuinermit tunngavigineqartut erseqqissuunngitsut. Naalakkersuisoqarfiup akimik naatsorsuiniarnermi suliffeqarfik illussanik titartaasartut/konstruktørillu attaveqatigivaat tassanilu pissarsiaralugu naatsorsuinermit tunngavissaq. Ataatsimiititaliap apeqquteqareernerata kingorna naalakkersuisoqarfiup suliffeqarfik illussanik titartaasartut/konstruktørillu attavigeqqinnerani naatsorsuinissamut tunngavissaq erseqqissarneqarpoq. Naatsorsuinermit tunngavissaq maanna pigisaq tunngavigalugu nalilerneqarpoq suliasaq akuersissutigineqassaguni siunnersuuteqartup 500.000, kr.-imik naliligaata iluani naammassineqarsinnaassasoq.

2. Misissuinermit aningaasaliussassat sumit pissarsiarineqarnissaat nassuiaatigeqqullugu Naalakkersuisoq qinnuigineqarpoq.

Akissut: Aningaasanut Inatsisissamut isumaqatigiinniarnarit suli manna ingerlapput, piimaartullu aallaavigalugit assortorneqarsinnaanngilaq siunnersuut akuersissutigineqassappat atugassarititaasut iluanni suliaq isumageqquneqassasoq.

Inussiarnersumik inuulluaqqusilluta

Agaluaq B. Egede